



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Futura præuidet.

urn:nbn:de:hbz:466:1-43172

melius nunc habes, nunc cœpisti
conualescere, nunc statum muta-
sti. Verbis exprimi nō potest cog-
nitio, quæ habetur diuinit⁹; ea quippe
qua Philipp⁹ vel ex solo aspectu in-
teriolem hominū statū nouerat, hu-
mana haud esse poterat vllo modo.

Illud verò nec filebo, hac ipsa tam
admirabili cognitione crebrius ab
se internum piorum ornatum con-
spectum esse.

Iesu Christi anno
1559

Sede vacante

Ætatis anno
45*Futura prœuidet.*

A Dolefcens quidam Lusitanus
annorum septemdecim Fran-
ciscus Bassus nomine, Beato Patre
ad confessiones vti cœperat: hunc
Philippus ad sacramentotum fre-
quentiam, atq; orandi studium sua-
uiter impellens, varijsque, quas vo-
cant, mortificationibus exercens id
affecutus est, vt tantum ille in spiri-
tu profecerit, quod omnes in admi-
rationem raperet, ceterisque exem-

^a
Eius rei
iuratus te-
stis est
Franciscus
Maria
Taurinus
Card.

plo

plo præluceret, diuinæque iam gratiæ radij in eius faciem redundarēt: inter loquendū verò iubente Philippo Patre, de rebus piis, eo animi ardore, ea vi, ac facilitate sermonem exprimebat, tam dulcia cum Deo, Deique Matre miscebat colloquia, tam sanctè, ac piè consolabatur astantes, tamq; efficaciter de virtutis pulchritudine, deq; diuino amore differebat, vt omnes qui eum audirent, ac præcipuè doctissimus Aloysius Lipomanus Veronæ Episcopus adolescentuli in dicendo vim, ardorem, & efficaciam non satis admiraretur. Nec hic stetit res: ea erat præterea animi constantia, vt tribulationes omnes, graues licet, nō fortiter modò, sed hilariter etiam sustineret, obedientiæ verò tam miro tenebatur desiderio, vt quod Philippus imperaret, quasi ille Angeli vocem audiret, nulla interpolata mora faceret libentissimè.

Is tandem, quòd maiorem fortè

vita

vitæ perfectionem cuperet, Religioni S. Dominici se addicere decreuit: quod vbi Philippus cognouit, etsi molestè ferebat adolescentulum ab se, sui que institutione disiungere, nihilominus probato diu eius spiritu, & vocatione, ne diuinæ voluntati resistere videretur, facultatem ei concessit, anno huius sæculi quinquagesimo nono, octauo Idus Octobris, sacrum Religionis habitum induendi: quod dum fieret, aderat Beatus Pater vbertim lacrymans: lacrymantem quid fleret rogitat Franciscus Maria Taurusius: cui Philippus; huius adolescentuli inquit, virtutes deploro.

Atqui in præsentia quidem, quid isthuc verbi esset, quorsumue fletus ille spectaret, Philippo, qui solus cognouerat, silentio obuolunte, Taurusium latuit: verùm quem habuerit deinde euentum hæc adolescentuli in altiorē vitæ statum migratio, res planè indicauit: is enim,

quem

quem ob vitæ integritatem, ardentemq; in Christum amorem admirabantur pleriq; , quamquam Religionis habitu nõ exuit, ad tantā solitudinem, atque ignauiam delapsus est, vt paulatim in varios fluctus, æstusq; solitudinum reuolutus tam graue tædium præsentis status mentem eius oppresserit, vt de abiicienda seueriore disciplina, & sæculi commodis repetendis secum ipse meditatus sit: ergo vitam vagam amplectitur, obedientiam fugitat, certum locum non incolit, nunc vnum tenet, inde item in alium se recipit, indeq; in alium, miserrimusq; miserrimam vitam errans ducit. viuit is adhuc, institutoq; suo vagus, & errans modò huc, modò illuc discurrit.

Agè iam veniamus ad res à Philippo gestas Pio IIII. Pontifice Pauli successore, qui Pontificatum iniit vij. Kal. Ianuarias, anno millesimo quingentesimo sexagesimo.

LIBRI PRIMI FINIS.

BEA-